

BIDANG FOKUS:

## KESEJAHTERAAN KOMUNITI

KESEJAHTERAAN  
KOMUNITI

**Membina  
Komuniti  
Berdaya Tahan**



**Yayasan JCorp mengiktiraf kepentingan memupuk komuniti yang berdaya tahan dan mengutamakan kesejahteraan komuniti bagi memastikan pembangunan yang lestari, menangani cabaran sosial dan meningkatkan kualiti hidup secara keseluruhan. Berganding bahu dengan pihak berkepentingan, kami berusaha menyemai benih kemakmuran jangka panjang, agar memberi impak terhadap kehidupan mereka yang memerlukan.**

Beberapa inisiatif kami di bawah bidang fokus Kesejahteraan Komuniti saling berkait dengan bidang fokus Alam Sekitar, kerana program komuniti kerap merangkumi usaha penjagaan alam sekitar dan kelestarian, iaitu suatu rangka pendekatan holistik yang memakmurkan manusia dan bumi ini.



**IMBAS UNTUK MAKLUMAT  
LANJUT**

BIDANG FOKUS:

## KESEJAHTERAAN KOMUNITI

Sumbangan kami untuk tahun ini termasuk:

**RM1.4 juta** diperuntukkan untuk kebajikan, kesihatan, bantuan bencana dan projek YKTLJ

Memberi manfaat kepada **10,000** individu

Melibatkan **500** sukarelawan

Sumbangan kami, baik dalam bentuk barangan dan wang tunai, disalurkan kepada pelbagai inisiatif:

## 1 Meningkatkan Kehidupan Pesakit Kanser

Yayasan Kanser Tunku Laksamana Johor (YKTLJ)

- Laksamana Run **RM70,000**
- Menaik taraf Taman Rekreasi Tunku Laksamana Johor di Hospital Permai **RM123,000**
- Lights of Hope - *Charity Dinner* **RM50,000**



### IMPAK

**RM830,000**

disalurkan kepada YKTLJ sejak 2016

**215**

pesakit kanser

Memenuhi UNSDG:



BIDANG FOKUS:

## KESEJAHTERAAN KOMUNITI

### *Pinktober Run JB 2023*

Yayasan JCorp telah menyumbang sempena Pinktober Run JB 2023 anjuran Co-Action Event Sdn Bhd dengan kerjasama Majlis Bandaraya Johor Bahru. Acara tersebut bermatlamat mendidik tentang kanser payudara dan menggalakkan pengesanan awal oleh semua lapisan masyarakat, di samping mempromosi gaya hidup sihat. Malah, acara tersebut turut memupuk semangat perpaduan dan kebersamaan dalam komuniti dari pelbagai latar belakang.



**IMBAS UNTUK MAKLUMAT  
LANJUT**

### IMPAK

# RM50,000

disalurkan pada acara tersebut

# 1,300

peserta pelbagai peringkat usia dan kaum menyertai larian amal ini

# RM100,000

disumbangkan sejak 2022 untuk acara larian amal ini

**Memenuhi UNSDG:**



BIDANG FOKUS:

## KESEJAHTERAAN KOMUNITI

**Pink October Lunch Talk 2023**

*Lunch Talk Pink October* adalah program kerjasama antara Hospital Pakar KPJ Pasir Gudang, rangkaian KPJ Wilayah Selatan dan Yayasan JCorp. Ia merupakan kesinambungan kepada Program Kelestarian hospital dan bermatlamat menyokong pengesanan awal serta menggalakkan pemeriksaan penyakit kanser kepada semua golongan, termasuk wanita dan lelaki.

Program ini menyaksikan Yayasan JCorp menaja hadiah untuk pemenang kuiz dalam bentuk pemeriksaan *mamogram* dan *ultrasound*.



**IMBAS UNTUK MAKLUMAT  
LANJUT**

**IMPAK**

Melibatkan

**200**

tetamu daripada pelbagai syarikat dan agensi

Sejumlah

**1,200**

tontonan di halaman Facebook Yayasan JCorp

**RM2,500**diperuntukkan kepada pemenang kuiz (baucar pemeriksaan *mamogram* dan *ultrasound*).

Memenuhi UNSDG:



BIDANG FOKUS:

## KESEJAHTERAAN KOMUNITI

2

### Usaha kami bersama Cerebral Palsy Johor (CPJ)

Sejak 2020, kami telah menjalankan pelbagai inisiatif menerusi kerjasama dengan CPJ sebagai tanda sokongan kepada mereka yang mengalami cerebral palsy.

Pada 2023, kami mengambil bahagian dalam program berikut:

#### Menanam Sayur Salad

Mereka yang mengalami cerebral palsy memanfaatkan rumah hijau Persatuan CPJ menerusi program penanaman sayur salad. Bukan sekadar menjana pendapatan, malah, inisiatif ini turut membantu mereka dari sudut fizikal kerana ia dapat meningkatkan pergerakan otot badan, justeru menambah baik koordinasi dan kekuatan motor mereka. Ia juga menjadi terapi bagi mereka apabila dapat berinteraksi dengan alam sekitar serta rakan-rakan lain. Hasil tanaman dijual kepada masyarakat setempat dan wang tersebut disalurkan kembali kepada tabung CPJ. Menerusi usaha ini Yayasan amat mengalu-alukan penglibatan orang ramai, syarikat mahupun organisasi untuk sama-sama mendekatkan diri dengan golongan ini bagi membentuk sebuah masyarakat yang terangkum, prihatin dan penyayang.



#### IMPAK

Hasil penanaman memperoleh

**RM800-RM1,000**

sebulan sejak Disember 2022

**14 orang individu**

daripada persatuan menerima manfaat daripada aktiviti ini

Memenuhi UNSDG:



BIDANG FOKUS:

## KESEJAHTERAAN KOMUNITI

*“Pepatah Cina mengatakan, beri seorang lelaki ikan, dan anda memberinya makan untuk sehari. Ajarkan seorang lelaki cara untuk memancing dan anda memberinya makan seumur hidup. Maksudnya, jika kita ingin menolong seseorang, jangan beri apa yang dia perlukan sekarang. Sebaliknya, berikan mereka apa yang mereka perlukan untuk berdikari.”*

*~ Encik Al Asyraf Zulkefli, Pentadbir Kumpulan, Persatuan Cerebral Palsy Johor*



BIDANG FOKUS:

## KESEJAHTERAAN KOMUNITI

**Jualan Amal Pasar Ria Tahunan CPJ**

Kami menyokong acara CPJ dengan menggerakkan, menerusi penyertaan, menghantar Sukarelawan Sahabat YJC dari KPJ International College, Johor Bahru, untuk membantu dalam jualan amal selain tajaan kami untuk kupon jualan. Program itu bertujuan memupuk semangat kesukarelawanan dalam kalangan pelajar KPJUC dan membantu komuniti CPJ yang memerlukan bantuan fizikal.

**IMPAK**

10 Sukarelawan Sahabat YJC membantu menjana

**RM150,000 dalam bentuk jualan**

Penajaan berjumlah

**RM10,000**

dalam bentuk kupon jualan

**Lima persatuan kebajikan**

menerima manfaat daripada pembelian kupon jualan

**Memenuhi UNSDG:**

BIDANG FOKUS:

## KESEJAHTERAAN KOMUNITI

## Meraikan Hari Palsi Serebrum Sedunia 2023

– Yayasan JCorp menyumbang RM100,000 kepada CPJ pada Majlis Makan Malam Gala Sambutan Hari Palsi Serebrum Sedunia 2023. Acara ini berlangsung di Pusat Konvensyen Antarabangsa Persada Johor, Johor Bahru, pada 11 Oktober. Sumbangan digunakan bagi tujuan seperti:

- **Membantu** kanak-kanak dan jurulatih yang menghidap palsi serebrum melalui penyediaan teknologi terkini
- **Menaik taraf** kemudahan pemulihan seperti kolam hidroterapi untuk manfaat pelajar palsi serebrum dalam meningkatkan kekuatan otot, koordinasi pergerakan serta keseimbangan
- **Memperkukuh** sistem pendidikan khas CPJ dengan meningkatkan kemahiran dan melatih semula pendidik dan ahli terapi, yang membolehkan mereka menambah baik kemahiran dan peluang pekerjaan
- **Menganjur** program intervensi awal untuk menggalakkan ibu bapa kepada kanak-kanak yang terjejas oleh palsi serebrum menerima pendidikan awal dan terapi yang sesuai sejak kecil, bermula dari lahir hingga lima tahun

## IMPAK

## RM600,000

disumbangkan sejak 2020

## Lapan usahawan

dibentuk melalui bengkel projek Kedai Cenderamata CPJ, suatu inisiatif baharu oleh persatuan

## 100 penerima manfaat

sumbangan kami, termasuk para pelajar, peserta bengkel, guru dan penyelia

### Memenuhi UNSDG:





BIDANG FOKUS:

## KESEJAHTERAAN KOMUNITI

### 3 Misi Bantuan Banjir

Kami meneruskan usaha membantu mangsa banjir melalui pelbagai program:

**Misi Bantuan Pasca banjir di Johor – Berganding bahu dengan Southern Volunteers**

**IMPAK**

## Membantu

dalam usaha pembersihan pasca banjir

**1,000**

helai selimut disumbangkan kepada mangsa banjir

**RM101,000**

diperuntukkan untuk misi ini

**Misi Bantuan Pasca banjir di Kelantan dan Selangor**

**IMPAK**

## Membantu

Anggota pekerja Syarikat di bawah Kumpulan JCorp yang terjejas akibat banjir

Menyumbang

**RM500**

kepada setiap anggota pekerja

Sejumlah

**RM170,000**

disumbangkan untuk misi ini



BIDANG FOKUS:

## KESEJAHTERAAN KOMUNITI

## Kempen Sinar Syawal Mangsa Banjir Johor

## IMPAK

Bantuan tunai kepada **30** isi rumah di Kampung Parit Yob,  
Parit Yaani, Batu Pahat, dan **10** isi rumah di Kampung  
Sepakat Baru, Skudai, Johor Bahru

**RM200**

disumbangkan kepada setiap mangsa banjir

Sumbangan berjumlah

**RM8,000**

disalurkan untuk misi ini

Secara keseluruhan, Yayasan  
JCorp memperuntukkan**RM279,000**untuk membantu individu  
dan keluarga

Memenuhi UNSDG:



IMBAS UNTUK  
MAKLUMAT  
LANJUT



BIDANG FOKUS:

## KESEJAHTERAAN KOMUNITI

4

## Program Makanan Percuma

Dibiayai oleh Yayasan JCorp dan dengan kerjasama UTM Johor, program Makanan Percuma ini bertujuan mengatasi masalah keterjaminan makanan dalam kalangan pelajar dengan menyediakan makanan untuk mereka. Makanan disediakan oleh pelajar yang mendaftar dalam Program Asas Penyediaan Makanan dan Pemakanan di bawah Pusat Pengajian Pendidikan, Fakulti Sains Sosial dan Kemanusiaan, di bawah bimbingan tenaga pengajar. Pengalaman praktikal ini memberi pendedahan yang berharga kepada pelajar yang terlibat dalam proses penyediaan makanan.

Selain itu, program ini turut memastikan akses yang konsisten kepada makanan berkhasiat untuk pelajar B40, mendidik peserta mengenai pemakanan dan amalan pemakanan yang sihat, serta menggalakkan penglibatan masyarakat dalam tanggungjawab sosial. Pada masa yang sama, menjadi sukarelawan dan menyumbang tenaga kepada program ini dapat menyuburkan keprihatinan dan menjadikan mereka cakna tentang tanggungjawab bersama.



BIDANG FOKUS:  
KESEJAHTERAAN KOMUNITI

IMPAK

**1,400**

pelajar menjadi penerima dalam Program Makanan Percuma

Lebih daripada

**RM20,000**

diperuntukkan kepada inisiatif ini

**100**  
**sukarelawan**

terdiri daripada pelajar UTM merupakan sebahagian daripada program ini

Memenuhi UNSDG:



BIDANG FOKUS:

## KESEJAHTERAAN KOMUNITI

5

## Memakmurkan Ramadan 2023 dengan Sumbangan

Yayasan JCorp membantu dalam usaha meringankan beban golongan miskin, B40 dan individu berkelainan upaya sepanjang Ramadan dan sebagai persiapan menyambut Aidilfitri. Selain itu, kami juga menggalakkan masyarakat untuk menyumbang dengan menyertai aktiviti yang kami anjurkan melalui Kempen Sinar Syawal untuk mangsa banjir di Johor.

### IMPAK

# RM45,000

diperuntukkan untuk membantu golongan miskin, kumpulan B40 dan orang kelainan upaya

# 2,070

penerima menerima manfaat

# 50

sukarelawan terlibat dalam aktiviti yang dilaksanakan

Memenuhi UNSDG:



IMBAS UNTUK  
MAKLUMAT LANJUT

- Enam kawah bubur lambuk sempena Program Bubur Lambuk Pandu Lalu Johor FM di Kompleks Penerangan dan Penyiaran Sultan Iskandar, Johor Bahru
- Seramai **120** pelajar asnaf Sekolah Menengah Sains Muar (SAMURA), Johor menerima sumbangan RM100 setiap seorang sebagai sebahagian daripada Program Jelajah Ramadan JohorFM 2023



BIDANG FOKUS:

## KESEJAHTERAAN KOMUNITI

- **RM10,000** telah disumbangkan kepada Mutiara Johor Corporation untuk Majlis Khatam Al Quran & Berbuka Puasa di Dewan Mutiara, Kompleks Mutiara Johor Land, Johor Bahru
- **RM1,000** baucar KFC disumbangkan sempena Program Yok Hantar Jajan Raya 3.0 anjuran JohorFM
- Yayasan JCorp menyumbang **700** pek KFC dalam Program Singgah Sahur di Kompleks Kastam dan Imigresen (CIQ) Bangunan Sultan Iskandar, Johor Bahru
- Bantuan tunai kepada **30** mangsa banjir di Kampung Parit Yob, Parit Yaani, Batu Pahat, melalui Kempen Sinar Syawal untuk Mangsa Banjir Johor
- **250** pek makanan KFC telah diagihkan oleh Yayasan JCorp kepada anak-anak yatim di Johor Sempena Program Iftar Jamaie Majlis Agama Islam Johor

